

ՕՑՈՓԻ ԵՎ ԿՈՒՔԻԻ ՀՈՒՇԱՐՁԱՆՆԵՐԸ

Միջնադարյան Հայաստանի Օժոփի Ս. Աստվածածին և Կուքիի Ս. Նշան կամ Հաղարարյուրաց նշանավոր վանքերը գտնվում են Սյունյաց աշխարհի պատմական Շահապոնք (Շահապոնիք) գավառում (այժմյան Նախիջևանի ԻՍՍՀ Շահբուլդի շրջան)։ Այս գավառը միջնադարում (XII—XVII դդ.) հեռու էր գտնվում բանուկ առևտրական ճանապարհներից։ Միակ զլխավոր ճանապարհը, որը նպաստավոր նշանակություն է ունեցել, դա Նախիջևան—Սյունիք մայրուղին է եղել։ Շահապոնիքը պատմական, ճարտարապետական հուշարձաններով բավական հարուստ գավառ է։ Սակայն այժմ այդ վայրերում պատմա-ճարտարապետական հուշարձաններ քիչ են մնացել, որոնց գերակշռող մասն էլ կիսականգուն վիճակում է գտնվում։ Շահապոնիքի հուշարձանների մեծ մասը ոչնչացվել է Լենկ-Թեմուրի և հետագա արշավանքների ընթացքում¹, ինչպես նաև XVII դարի սկզբներին։ Մեղ են հասել այդ գավառի մի շարք հուշարձաններ, ինչպիսիք են Կուքիի Ս. Նշան կամ Հաղարարյուրաց, Օժոփի Ս. Աստվածածին, Ագարակի Ս. Խաչ վանքերը, Նորսի Երեք խորանի, Քյուլբի Ս. Գրիգոր, Կժաձորի Ս. Գևորգ և այլ եկեղեցիները։

Ըստ վիմագրական և պատմական աղբյուրների Շահապոնիք գավառը միջնադարում, որպես հայրենական տիրույթ, պատկանում էր Սյունյաց Պոռշյան իշխաններին²։ Գավառի հոգևոր կենտրոններից և ճարտարապետական հուշարձաններից շատերը հիմնարկված և հովանավորված են Սյունյաց աշխարհի իշխանների կողմից։

Հոգվածում ներկայացվող Օժոփի և Կուքիի վանքերը պատմագիտական, ճարտարապետական գրականության մեջ քիչ են հայտնի։ Այդ նշանավոր վանքերի պատմական անցյալին անդրադարձել և նրանց վիմական արձանագրություններից մի քանիսը վերծանել ու հրատարակել է Գ. Հովսեփյանը։ Նրանց մասին համառոտ տեղեկություններ են պահպանվել նաև Առաքել Դավրիժեցու, Ղ. Ալիշանի, Մ. Սմբատյանցի մոտ։ Օժոփի կամ Աժոփի Ս. Աստվածածին վանքը գտնվում է այժմյան Բաղամլու գյուղի (պատմական Օժոփ, Աժոփ գյուղ) մոտ։ Օժոփ կամ Աժոփ անվանակոչմանը առաջին անգամ պատմական աղբյուրներում հանդիպում ենք XIII դարում, Ստ. Օրբելյանի մոտ։ Ըստ

նրա Սյունյաց Ստեփանոս եպիսկոպոսը իր «կամարակապ» խաչը պահ է տվել «...առ եպիսկոպոս մի յԱծօպոյ վանս ի Շահապոնս՝ Պետրոս անուն»³, որտեղ «յԱծօպոյ վանս»-ը խնդրո առարկա, այժմյան Բաղամլու գյուղի Ս. Աստվածածին վանքն է։

Այնուհետև այս վանքում 1292 թ. գրված մի ավետարանի հիշատակարանը վկայում է. «...Եւ գրեցաւ տառս Աստվածային ի գաւառիս Շահապոնեաց, ի մենաստանիս, որ է մերձ յամենաւրհնեալ և յԱստուածապահ գեաւդս Ոժոպի կոչեցեալ, ընդ հովանեաւ սոսկալի և սխրագործ նշանացս, Խոտակերաց և խիկարաց... Զեռամբ յողնամեղ և փցուն գրչաւորի Շմաւոնի»⁴։ Ինչպես երևում է գրչի հիշատակարանից, այս վանքը շինված է Ս. Աստվածածնի անունով։ Շմավոն գրիչը այդ նույն ավետարանի հիշատակարանի վերջում խնդրում է հիշել «...նաև զդասս եղբայրութեան այսմ անապատի, զառաջնորդ սորա և ըզփակակալ, զԺերսն և զմանկունս և զմիաբանեալսն յայսմ քաւարանի»⁵։ Ինչպես տեսնում ենք, Օժոփի վանքը եղել է բազմամարդ, ունեցել է մեծ թվով միաբաններ։

XVII դարի սլատմիչ Ա. Դավրիժեցին տալիս է վանքի հավաստի տեղագրությունը, ըստ որի «մերձ մայրաքաղաքին Նախշուանու կայ գաւառ մի, զոր անուանեն Շահբունուց ձոր, և յայսմ գաւառի կայ գիւղ մի՝ զոր անուանեն Օծօպի, և մերձ յայսմ գեղջս կա շինեալ ի վաղեմի ժամանակաց վանք մի յանուն սուրբ Աստուածածնին՝ զոր անուանեն Օծօպու վանք»⁶։ XVIII դարի կեսերին Օժոփ գյուղից Մկրտչի որդի Եղումի՝ վանքին վաճառած այգու գրավոր գործարքում գյուղի անունը նշվում է Օժոպ «...ի դուռն խոտգերան, Սուրբ Նշանի, ի ժամանակին Մարկոս վարդապետին»⁷։

Ալիշանը նշում է, որ Օժոփը «...ի սակաւ ակնարկութենէ յիշատակագրաց նշմարի՝ Էրեւելի

3 «Ստեփաննոսի Սիւնեաց եպիսկոպոսի Պատմութիւն Նահանգին Սիսական», Մոսկվա, 1861, էջ 258։

4 Մ. Սմբատյանց, Նկարագիր սուրբ Կարապետի վանից Երնջակայ և շրջակայից նորա, Տփղիս, 1904, էջ 117։

5 Գ. Հովսեփյան, Խաղրակյանք կամ Պոռշյանք հայոց պատմության մեջ, մասն Բ, Երուսաղեմ, 1942, էջ 184։

6 «Պատմութիւն Առաքել վարդապետի Դաւրիժեցոյ», Վաղարշապատ, 1896, էջ 427։

7 «Կալվածագրեր», պրակ 1, կազմեց՝ Հար. Արրահամյան, Երևան, 1941, էջ 90։

1 ՏՃՍ Տ. Սահակյան, Սյունիքը XIII դարում, Երևան, 1972, էջ 60—65։

2 ՏՃՍ Գ. Հովսեփյան, Խաղրակյանք կամ Պոռշյանք հայոց պատմության մեջ, մասն Ա, Վաղարշապատ, 1928, էջ 49—53։

վանք էին և աթոռ եպիսկոպոսի վիճակին»⁸։ Ալիշանը, ձեռքի տակ ունենալով մատենագիտական պատառիկներ, գտնում է, որ այդ վանքը եղել է եպիսկոպոսների նստավայր, որպես «աներկբայ իբրեւ թեմական եպիսկոպոս Օծոպոյ յամի 1307 յիշի Շմաւոն եպիսկոպոս ի ժողովին Սսոյ»⁹։



Նկ. 1. Օծոփի Ս. Աստվածածին վանքը։

Ս. Աստվածածին վանքը կառուցված է այժմյան գյուղից մոտ 600—700 մ հեռավորության վրա գտնվող մի բարձրադիր լեռնաբլուրի լանջին (նկ. 1)։ Գ. Հովսեփյանը, որը այցելել է Օծոփի վանքը, նրա մասին գրել է. «Բայց ներկա շենքը կառուցած է ԺՁ դարի երկրորդ կիսում. հարավային պատի ճակատին միայն պահված են արձանագրության մնացորդներով երեք քար, որ հետո են այնտեղ հաստատել կորստից փրկելու համար... աջ կողմի քարի վերա կարդացվում է. «(պատ)արագն տան մեր.../ը և թանկանն.../ կատարիչքն արհն/ին յայ. Ի թվ. 2.. (կարող է մի տառ լինել) գրեցաւ»։ ուրեմն առ առավելն ԺԴ դարի երկրորդ կիսի մի հիշատակարան»¹⁰։ Այս արձանագրությունը, ղրթբախտաբար, այժմ չի պահպանվել։

Ներկայումս Օծոփի Ս. Աստվածածին վանքի համակառուցից միակ կանգուն շինությունը նրա եկեղեցին է։ Այն կառուցված է սրբատաշ բազալտից, իսկ դրսի շարվածքում օգտագործված են կարմրա-սպիտակ հողմահարվող, սըրբատաշ քարեր։ Շինությունն ունի քառամույթ զմբեթավոր բազիլիկայի հորինվածք (նկ. 2)։ Մուտքերը երկուսն են՝ արևմուտքից և հարավից։ Արևմտյան մուտքը ունի բոլորապատ կամարազարդ Բարավորին քանդակված է վեց տո-

ղանոց մի ընդարձակ արձանագրություն, որը հողմահարվող քարի վրա արձանագրված լինելու պատճառով քայքայվել է և դժվար է թեոնելի է դարձել։ Գեղեցիկ է տաճարի հարավային մուտքը, որի բարավորը զարդարված է քանդակներով և արձանագրություններով։ Դմբեթը բարձրանում է քառակուսի կտրվածքով շորս մույթերի վրա։ Թմբուկը կլոր է, հիմքից ոչ շատ բարձր ունի ութ լուսամուտ։ Աբսիդի երկու կողմերում գտնվում են երկու ուղղանկյուն ավանդատները։ Բեմի պատերին քանդակված են թուղուններ, կենաց ծառ, խաղողի ողկույզներ։

Չախակողմյան ավանդատան մուտքի վերևում տեղադրված են հինգ քանդակազարդ խաչքարեր, որոնցից երկուսը ունեն «ՌՃԻ» թվագրությունը կրող համառոտ արձանագրություններ։ Աջակողմյան ավանդատան պատի բարձունքում ագուցված են վեց խաչքար, մեկի վրա քանդակված է Գրիգոր Լուսավորչի ֆիգուրը, որը երկու ձեռքերը վերև բարձրացրած խաչքար է պահել։ Այդ խաչքարի ներքևի մասում նրա երկու կողմերում քանդակված է «ԳՐԻԳՈՐ»։

Օծոփի վանքի քանդակներից հետաքրքրական է հարավային պատի վրայի արագիլը, որը կտցահարում է օձին։ Տաճարի բազալտե մույթերից երեքն ունեն կենդանակերպ քանդակներ, որոնցից ուշագրավ է հյուսիս-արևմտյան մույթի հարթաքանդակը առյուծը ամբողջ մարմնով դեպի ետ ձգված, թաթերի վրա հենված կտրում է իր վիզը ձգած պարանը։

Ս. Աստվածածնի գավիթը այժմ ավերակ է, միայն վանքի կենտրոնական մուտքի մոտ, երկու կողմերից պահպանվել են նրա պատերի և սյուների հետքերը։ Ըստ հատակագծի այն քառամույթ է եղել։ Վանքի արևելյան կողմում, նրա պարսպից 15—20 մ հեռավորության վրա, յանջափեշին գտնվում է վանքի գերեզմանատունը, որն այժմյան վիճակով ունի ավելի քան 150 տապանաքարեր, խաչքարեր, որոնք վերաբերում են XIV—XVII դդ.։ Վանքի պարսպից ներս երևում են ուղղանկյուն հատակագծով շենքերի հետքեր։ Վանքի պարսպից դուրս, դեպի ձորը գտնվում է նրա աղբյուրը, որի վրա կառուցված շենքը կանգուն էր մինչև 1962 թ.։


Օծոփի Ս. Աստվածածին վանքը մեզ է հասել մի քանի անգամ վերանորոգվելուց հետո, որոնց մասին պահպանվել են կցկտուր վիճագրական և գրավոր տեղեկություններ։ Օծոփի վանքի արձանագրությունները ցույց են տալիս, որ եկեղեցու այժմյան շենքը կառուցված է 1651—1671 թթ.։ Վանքը վերանորոգվել է նաև հետագայում։ Ղազար կաթողիկոս Ճահկեցու կոնդակում նշված է. «...յոյժ յայտնի և հռչակաւոր վանք, որ շնորհօքն Քրիստոսի և անուամբ սրբոյ խաչին խոտակերաց կառուցեալ և հաս-

⁸ Ղ. Ալիշան, Սիսական, Վենետիկ, 1893, էջ 483։

⁹ Նույն տեղում, էջ 484։

¹⁰ Գ. Հովսեփյան, նշվ. աշխ., մասն Բ, էջ 183։

տատեալ կայ ի վերայ բարձրաբերձ. լերանց ի երկիրն նախիջևանու ի գիւղ Ածոփ...»¹¹, Ըստ այս վկայության 1749 թ. վերանորոգվել է մասնավորապես վանքի տանիքը՝ հասել են այդ վանքում ընդօրինակված բազմաթիվ ձեռագրերից միայն պատահականը: Հայտնի են այդ վանքում գործած գրիչներ Շմավոնը (XIII դար), Աթանեսը (XV դար), ծերունի




Նկ. 2. Օծոփի Ս. Աստվածածին վանքի հատակագիծը (շափաղրությունը՝ Ա. Այվազյանի):

Օծոփի Ս. Աստվածածին վանքը միջնադարում նաև գրչության կենտրոն է հանդիսացել: Մեզ նի Սարգիսը (XVI դար) և այլք: Աթանես գրչի ընդօրինակած ձեռագրերից մեզ են հասել երկու ավետարաններ, որոնցից մեկը նա գրչագրել է 1486 թ. «...ի սուրբ ուխտս Աւծոպոյ, ի դուռն

¹¹ Մ. Ս մ բ ա տ յ ա ն ց, նշվ. աշխ., էջ 436: 17*

սուրբ Աստուածածին»¹². Իսկ մյուսը՝ 1488 թ. «...ի գիւղն Օծոպ, ընդ հովանեաւ սուրբ Աստուածածին»¹³:

Առանձնակի ուշադրության է արժանի 1292 թ. գրված ավետարանը: Գրիչ Շմավոնի հիշատակարանից հայտնի է դառնում, որ նա ավետա-



Նկ. 3. Օծոպի Ս. Աստվածածին վանքի մուտքի թուղթը:

րանը զարդարել է «ոսկւով և արծաթով, ոսկեգիծ դրուատով և ծաղկերանգ գովնով (Տ!) և պաճուճեցի ներքոյ և արտաքոյ, ընտրեալ քարամբք պատուականաւք և լուսափայլ մարգարտօք»¹⁴:

Օծոպի վանքի շինարարական կյանքի, պատմական անցյալի մասին տեղեկություններ են պարունակում նրա արձանագրությունները, որոնցից միայն երկուսն են հրատարակված: Վանքի պահպանված արձանագրությունները վերաբերում են XVII դարին, նրանց մեծ մասն ընթերցելի է Տուժել և քայքայվել է վանքի

գլխավոր մուտքի բարավորի ընդարձակ արձանագրությունը, ինչպես նաև վանքի գերեզմանատան խաչքար-տապանաքարերի արձանագրությունները: Վերծանության մեջ հավելումները կամ պակասող տառերի վերականգնումները վերցրել ենք քառակուսի փակագծերի մեջ:

Արձանագրություններ

Վանքի արևմտյան մուտքի կամարից 2 մ վերև տեղադրված են երեք խաչքարեր, որոնցից երկուսը ունեն մեկական արձանագրություն:

I.

1 Ս[ուր]բ Խ[ա]չ[ս] յիշ[ատա]կ է Սհակին Թ[ՌՃ] (1651), (Նկ. 4, № 1 արձանագրություն):

II.

1 Ս[ուր]բ Խ[ա]չ[ս] յիշ[ատա]կ է 3

2 Ռհաննէս եպիսկ[ո]պոս[ի], (Նկ. 4, № 2 արձանագրություն):

Գեղեցիկ է վանքի հարավային դուռը: Բարավորից վերև՝ կամարի տակ տեղադրված ուղղանկյուն քարի մեջտեղում քանդակված է Մարիամ Աստվածածինը նորածին Հիսուսը զրկին: Նույն քարի վրա, վերից վար, հստակ քանդակված է «Թ[ՌՃ]» (1651)՝ քանդակման տարեթիվը: Այս քանդակից ներքև, մեկ քարի վրա արձանագրված է՝

1 Կաման: Ա[ստուծոյ] եւ օժանդակութ[եամբ]

2 Յոհաննէս եպ[իս]կ[ոպո]սի: հրաշակ[եր]-տե

3 ցօ: զեկ[ե]ղցիս. անուն: ս[ուր]բ Ա[ստ-վայծածին] (Նկ. 4, № 3 արձանագրություն):

Այս արձանագրությունից ներքև՝ մուտքի բարավորին, երեք քարի վրա քանդակված է շորս տողանոց արձանագրություն: Երկրորդ քարը մի փոքրիկ խաչքար է, որի խաչի ներքևի մասում կա «Թ[ՌՃ]» (1671 թ.): Ահա այդ արձանագրությունը՝

1 Ես տ[եր], Ղազար[իա]ս: Ի գե[ղ]ջէն: Մարտիրոսէն շինել ետու ր թուման

2 Իջ դուս: ս[ուր]բ Ա[ստվա]ծածնիս վանիս ծնողաց իմ[ոյց] պարոն


3 Աղաճանին: եւ կենակցին: Սիրամարբին եւ եղծն իմոց է

4 Արիճանին կողակցին: Փարոնեի կողակցին եւ իմոց] Մարիամին թվ. Թ[ՌՃ] (1671), (Նկ. 4, № 4 արձանագրություն):

¹² «Ժժ դարի հայերեն ձեռագրերի Հիշատակարաններ», մասն Գ, (1481—1500 թթ.), կազմեց Լ. Ս. Խաչիկյան, Երևան, 1967, էջ 90:

¹³ Մ. Ս մ բ ա տ յ ա ն ց, Նշվ. աշխ., էջ 151:

¹⁴ Գ. Հ ո վ ս ե փ յ ա ն, Նշվ. աշխ., մասն Բ, էջ 184:



Նկ. 4. Օծովի վանքի արձանագրությունները:

Վանքի ներսում, հյուսիսային պատի վրա կան զովարընթեռների շորս արձանագրություններ, որոնք մթության պատճառով մեզ չհաջողվեց լուսանկարել:

I.

- 1 Խաչս յշատակ է Կուվաղների
- 2 Կողակցն Նահապտին

II.

- 1 Ես Մարտիրոսեցի պարոն: Լամլէմ ետու
- 2 Բաժին: Ժ. Թուման: հոգոյ հարբն
- 3 Իմոց Մարտիրոսին: որ: Զ
- 4 գործն կատարեաց. եւ Իմոց
- 5 մուրաան: է: Թումա[ն] տվ[ա]ք ս[ուր]բ Ա[ստվա]ծած[ին]

III.

- 1 Խաչս [հ]շատակ է Լալին եւ Կ
- 2 ողակցին Կուլիինեին
- 3 եւ որդոցն Ավդին Հախնաղ
- 4 արին Մարտենիսին եւ եւ եղբարս Իմ: պարոն: էլիա
- 5 դին որ տվար Դ. Թուման ժա[մ] ս[ուր]բ եկ[ե]ղ[ե]ց[ի]ս

Այս արձանագրության կողքին տեղադրված է բազալտե քար, որն ունի «ԹՎ. Ռ:Ճ:Ը» (1671) արձանագրությունը:

Մի փոքրիկ խաչքարի վրա՝

IV.

- 1 Խ[ա]չս յշատակ է
- 2 Կուվաղիների Կ
- 3 ողակցն Նահապտին

Ձախակողմյան ավանդատան պատին ագուցված խաչքարի վրա՝

- 1 Խաչս: Բարեխօս է Ղաղար եղբ[որ]ն եւ Իմոց Նիրսեսին
- 2 Թվ ՌՃԻ (1671)

Գմբեթի թմբուկի վրա՝

- 1 Շինեց[ա]ւ ս[ուր]բ Կ[աթո]ղկէս
 - 2 Տիկէցի Մալխ[ա]սի որդի Մարքարէս թվ ՌՃԾ (1701), (նկ. 4, № 5 արձանագրություն):
- Այս արձանագրությունը վերծանել է Նաե Գ. Հովսեփյանը՝ «Շինեցւ. սբ. Կթկէս./Տիկեցի Մալխասի որդի Մարքարէս թվ. ՌՃԾԴ»¹⁵:

Այստեղ Գարեգին Հովսեփյանը թվադրության կողքին կարդացել է Նաե Դ տառը և 1701 թ. փոխարեն ստացել է 1705 թ.: Եկեղեցու գմբեթի պատուհաններից մեկի կամարակապ քարի վրա արձանագրված է «Մարտիրոս», որը, ամենայն հավանականությամբ, եկեղեցին կառուցող քարգործ վարպետի անունն է:

Պատմական Կուքի (Կոնքի) գյուղը ներկայիս Շահբուզի շրջանի Քյուքի գյուղն է: Այն գտնվում է Կուքի վտակի աջ կողմում, համանուն լեռան փեշին: Կուքի գյուղի անվանը առաջին անգամ պատմական աղբյուրներում հանդիպում ենք Ստ. Օրբելյանի մոտ¹⁶: Կուքին Շահապունիք գավառի հնագույն գյուղերից մեկն է: Նրա շրջակայքում կան նախնադարյան բնակավայրերի, դամբարանների հետքեր: Պատմական Կուքին եղել է բավական մեծ գյուղ: Վանքում գրված ձեռագրերից մեկի հիշատակարանը վկայում է, որ «Բ թվաբերութեա. հայոց Ի ԶԻ. Թուականին գրեցաւ գիրքս սոսկացուցիչ Ի ձորս Շահապունեաց Ի գեղոս որ կոչի Կուքի, ընդ հովանեաւ սբ. Հաղարաբիւրացս եւ Կաթողիկէիցս սբ. Ածածնի. եւ սբ. Ստեփանոսի եւ գեղամիշի սբ. Գրգրիս. եւ սբ. Նշանիս, եւ այլ միասամուռ Վարդանաց սբ. Նահատակցս...»¹⁷: Ըստ այս հիշատակարանի Կուքին ունեցել է Ս. Նշան վանքը, Ս. Հաղարաբյուրաց, Ս. Գրիգոր, Ս. Ստեփանոս, Ս. Աստվածածին, Ս. Վարդան եկեղեցիները: Ընդ որում «գեղամիշի սբ. Գրգրիս»-ը վկայում է, որ այդ եկեղեցուց բացի մյուսները կառուցված են եղել գյուղից դուրս, նրա շրջակայքում: Ս. Գրիգոր եկեղեցու ավերակ հիմքերի վրա XX դարի սկզբներին կառուցել են մըզկիթ: Մյուս եկեղեցիների հիմքերը այժմ հազիվ են երևում, կիսականգուն վիճակով է մնացել միայն Ս. Նշան վանքը (նկ. 5):

Ս. Նշան կամ Հաղարաբյուրաց (շրջակայքի հայ բնակչության կողմից այն անվանվում է Կուքիի Հաղարափրկիչ) վանքը կառուցված է այժմյան գյուղից մոտավորապես 800 մ դեպի հյուսիս գտնվող գեղեցիկ բարձրավանդակի վրա: Ինչպես Օժոփի վանքի, այնպես էլ Ս. Նշանի մասին մասնագիտական գրականությունում տեղեկությունները սակավ են: Այս վանքին անդրադարձել են Գ. Հովսեփյանը և Մ. Սմբատ-

¹⁶ Տե՛ս Ստ. Օրբելյան, նշվ. աշխ., էջ 378—379:

¹⁷ Գ. Հովսեփյան, Խաղբակյանք կամ Պոռչյանք հայոց պատմության մեջ, մասն Գ, Նյու-Յորք, 1942/43, էջ 148:

¹⁵ Գ. Հովսեփյան, նշվ. աշխ., մասն Բ, էջ 186:

յանցը: Ըստ Մ. Սմբատյանցի, Կուբիի Ս. Նշան վանքը հիմնվել է «ի Պապաքայ որդու Պոռ իշխանի, վերակացութեամբ Հովհաննես վարդապետին յամի 1287»: Մ. Սմբատյանցը դրա համար հիմք է ունեցել Պապաք իշխանի (հավանաբար Պոռ իշխանի ավագ որդու) թողած մի



Նկ. 5. Կուբիի Ս. Նշան վանքը:

խաչքարի արձանագրությունը, որը կանգնեցված է եղել վանքի արևելյան կողմում և ունեցել է արձանագրություն. «Ի թվիս ԶԼԶ. ԵՍ Պապաք կանկնեցի ի կեն(դանութիւն—եղծված է) ամուսին իմոյ...»¹⁸ Այս արձանագրությունը չի պահպանվել:

Գ. Հովսեփյանը, որը եղել է Կուբիի Ս. Նշան վանքում, թողել է վանքի համառոտ նկարագրությունը. «Բուն եկեղեցին փոքր է, չորս անմիջապես իրար կապած խորաններով (ափսիդ). ունի և գավիթ. թաղակապ, սրահաձև երեք կամարներով (դալան). գավիթն ավելի ընդարձակ է, քան բուն եկեղեցին, ինչպես Հավուց թաղում Աստվածատուր կաթողիկոսի շինածը, և հավանորեն նույն շրջանի կամ քիչ ավելի վաղ, բայց ոչ քան 1496 թիվը»¹⁹: Հովսեփյանը իր ուսումնասիրությունների ժամանակ գյուղի Ջրաղացի ձոր անվանվող վայրից, որը վանքին մոտ է, գտել է ավելի վաղ թվագրություն ունեցող արձանագրություն՝ «Թվ. ՈԿԴ (1215) Ջարդեղ կանգնեցի...»²⁰, ինչպես Գ. Հովսեփյանն է նշում, այդ արձանագրությունը ցույց է տալիս, որ Կուբիում շինարարական աշխատանքները սկսվել են դեռևս Վասակ խաղբակյանի իշխանության ժամանակաշրջանից և նույնիսկ ավելի վաղ:

Կուբիի Ս. Նշան կամ Հազարաբյուրաց վանքը այժմ կիսավեր է. սրբատաշ երեսաքարերը, ծածկի սալերն ու քիվերը թափվել են, քանդված են

ծածկի թաղերը, կամարները, փլվել են ավագ խորանի երկու կողմերում գտնվող ավանդատների ծածկերը: Քանդված է նաև գավթի ծածկը, մնացած կամարները խարխուլ են, փլման ենթակա:

Կուբիի Ս. Նշան վանքի եկեղեցին փոքր, եռաբսիդ գմբեթավոր հուշարձան է, արտաքուստ քառանկյունի, իսկ ներքուստ խաչաձև հատակագծով (նկ. 6): Միակ դուռը բացվում է գավթի մեջ, ունի չորս ավանդատուն: Չախակողմյան ավանդատան մուտքի պատին, գետնից վերև երկրորդ շարքում, երկու քարի վրա փորագրված է արձանագրություն, որը վերաբերում է XIII դարին: Այսօր այդ արձանագրության որոշ տառերը եղծված են: Արձանագրությունը ժամանակին վերծանել է Գ. Հովսեփյանը:

«Կամաւն այ ես Վրթ և ամուսին Աղ/ուտ տվաք: Ծ: դեկ ի Ռ: բիրքս (Հազարաբիրքս) /միաբանքս խոստացան ի տարին: Ը: /ժամ, կատարիչ Տ! ահնին յայ / թվ. ԶԽ. 21:

Ս. Նշան եկեղեցու արևմտյան կողմից կից է գավթի, որը ներքուստ անսյուն է, թաղակապ ծածկը հենված է եղել որմնամույթերի միջև ընկած կամարների վրա: Որմնասյուների վրա քանդակված են զեղեցիկ կիսաշրջանաձև պսակներ, նույն քանդակներով են զարդարված նաև վանքի ավանդատների խորշերը:

Գավիթն ունի մեկ մուտք, որի բազալտե բարավորի վրա քանդակված են խաչեր: Գավթի որմնամույթերից մեկի շարվածքում ագուցված է մի խաչքար, որն ունի «յշ ՊՂԸ» (1449 թ.) արձանագրությունը:

Կուբիի Ս. Նշան վանքն իր հատակագծով և ճարտարապետական լուծումներով տարբերվում է ինչպես Շահապունիքի, այնպես էլ Նախիջևանի մյուս գավառների հուշարձաններից:

Եկեղեցուց արևմուտք գտնվում է թաղակապ, ձգված շենք, որը հավանաբար վանքի գրատունն է: Ծածկում կա երեք կլոր լայն բացվածք՝ լուսավորության համար: Շենքը արձանագրություններ չունի: Հավանաբար, այն կառուցվել է եկեղեցու հետ միասին XIII դարում:

Վանքի արևմտյան կողմում կառուցված են եղել խցերը: Նման շինությունների հետքեր են նկատվում նաև հյուսիսային և հարավային կողմերում: Վանքի և նրա համակառուցի մեջ մըտնող շինությունների, գերեզմանատան տարածությունը գրավում է ավելի քան 700 քմ տարածություն: Վանքի շինությունները առնված են եղել քառանկյունի պարսպի մեջ, որը ունեցել է երկու դարպաս: Ավերակ պարսպապատի մոտ գտնվում է վանքի աղբյուրի շենքը՝ 2,30×3,20 մ չափով: Պարսպից դուրս, վանքի հյուսիս-

18 Մ. Սմբատյանց, Նշվ. աշխ., էջ 485:


19 Գ. Հովսեփյան, Նշվ. աշխ., մասն Ա, էջ 60:

20 Նույն տեղում:

21 Նույն տեղում:


արևմտյան կողմում վանքի գերեզմանատունն է, որը այժմ ունի մոտ քսան տապանաքար XIII—XVII դդ. պատկանող: Գ. Հովսեփյանը վերծանել է այդ խաչքար-տապանաքարերից մեկի արձանագրությունը 1296 թվագրումով²²:

Ս. Նշան վանքը միաժամանակ հանդիսացել է



1 0 2 3 4 5

ձարանս յոգնամեղ և մատնագէտ և գրիչ Մանուէլի եղկելի և սուտանուն քահանայի...»²⁸: Հավանական է, որ Մանուէլը XV դարում ապրելով և գործելով Կուքիի վանքում, նրա դպրատանը ուսուցանել է գրչարվեստ, եղել է Վճմուտ և դիտակ մատենագիր, ծաղկող և գծող: Այդ են



Նկ. 6. Կուքիի Ս. Նշան վանքի հատակագիծը (չափագրությունը՝ Ա. Ավագյանի):

Շահապունիք զավառի մշակութային կյանքի կենտրոն: Այս վանքում գրվել են բազմաթիվ ձեռագրեր, որոնց չնչին մասն է մեզ հասել միայն: Այստեղ իրականացվել և մեզ են հասել կամրոռնացու պատարագի մեկնության երկու ընդօրինակումները, որոնցից մեկը գրվել է 1276 թ.²³, իսկ երկրորդը՝ 1322 թ.²⁴, Մարկոս կրոնավոր գրչի կողմից: XIV դարի կեսերին Դանիել Կուքեցին Մարգարե վարդապետ Օձոփեցու համար արտագրել է Հ. Քոնեցու «Գիրք դժոխոցը»²⁵, 1409 թ. գրչագրվել է «Գիրք Ստորոգութեանց Արիստոտելին», 1461 թ.՝ մի Պատարագամատույց, գրիչ Հովսեփ Եպիսկոպոսի կողմից²⁶ և այլն:

Կուքիի վանքում, նրա գրատանը տասնյակ ձեռագրեր է բաղմացրել և ծաղկել Մանուել գծողը: Գրչարվեստի արժևորավոր ձեռագիր է 1471 թ. նրա ընդօրինակած և ծաղկած Հայսմավուրբը: Մյուս ձեռագիրը՝ Գանձարանը, ընդօրինակված է 1478 թ., Մաշտոցը՝ 1493 թ., Ավետարանը՝ 1495 թ., Ավետարան՝ արտագրված Գողալ և Խոնծին ամուսինների խնդրանքով՝ 1496 թ. և այլ ձեռագրեր²⁷: Մանուել դրիչը 1478 թ. ընդօրինակած Գանձարանի (Բոլորգիր) հիշատակարանում գրել է. «Գրեցաւ սուրբ Գան-



Նկ. 7. Կուքիի Ս. Նշան վանքի գավթի որմնամուկը:

²² Տե՛ս նույն տեղում, էջ 61:

²³ Մ. Ս մ բ ա տ յ ա ն ց, նշվ. աշխ., էջ 140:

²⁴ Գ. Հ ո վ ս ե փ յ ա ն, նշվ. աշխ., մասն Ա, էջ 60:

²⁵ Նույն տեղում, մասն Բ, էջ 178:

²⁶ Նույն տեղում, էջ 179:

²⁷ Նույն տեղում, էջ 179—180:

²⁸ «Յուցակ ձեռագրաց Մաշտոցի անվան Մատենադարանի», կազմեցին՝ Օ. Եզանյան, Ա. Զեյթունյան, Փ. Անթարյան, Երևան, 1965, հատ. Ա, էջ 1213, ձեռ. № 4433, գրչի հիշատ., էջ 2ա, 71բ, 78բ, 79ա:

ապացուցում նաև նրա ընդօրինակած ձեռագրերը: Կուբիի վանքի գրիչներից հայտնի են նաև Հովսեփ կրոնավորը (XV դար), Հակոբ գրիչը, Դանիել գրիչ Կուբեցին XV դար) և ուրիշներ:

Վայոց ձորի նաշիկ գյուղի մոտ վիմագրական մի արձանագրություն վկայում է «Կուբեցի ուստայ Յովհաննէս նկարաբար»²⁹: Ըստ երեւոյթին Հովհաննէս նկարաբարը քանդակագործական աշխատանքներ է կատարել նաև հայրենի գյուղում: Վերջին գրավոր տեղեկությունները

Կուբիի վանքի մասին վկայում են, որ, Կուբեցի Սարգսի որդի Առաքել վարդապետը 1735 թ. մի խաչ է նվիրում իր հայրենի գյուղի վանքին³⁰:

Պատմական Կուբի գյուղի հայկական աղգարնակչությունը մոտավորապես 1755—1760 թթ. գաղթել է այդտեղից և բնակություն հաստատել Վրաստանի նախկին Կումիսու գավառի Ծինձղարո գյուղում, որտեղից հետագայում տեղափոխվել են Թբիլիսի:

Ա. ԱՅՎԱԶՅԱՆ

ՈՒՇ ՀԵԼԵՆԻՍՏԱԿԱՆ ԺԱՄԱՆԱԿԱՇՐՋԱՆԻ ԳԱՄՐԱՐԱՆՆԵՐ ԷՋՄԻԱՄՆԻ ՇՐՋԱՆԻ ԱՅԳԵՇԱՏ ԳՅՈՒՂՈՒՄ

1971 թ. էջմիածնի շրջանի Այգեշատ գյուղից հյուսիս գտնվող բլուրների քարքարոտ լանջերը մշակովի դարձնելու նպատակով կատարված աշխատանքների ժամանակ հայտնաբերվել էին խեցանոթների բեկորներ: Մեր կողմից տեղանքի մանրագնին հետազոտություններ պարզվեց, որ նոր յուրացվող հողատարածությունն իր մեջ է առնելու այդտեղ գտնվող նախնադարյան դամբարանադաշտի մի հատվածը: Ոչնչացման ենթակա հուշարձանները հետազոտելու, նրանց ժամանակագրական պատկանելությունը որոշելու նպատակով, 1971 թ. օգոստոս ամսին էջմիածնի գավառագիտական թանգարանի միջոցներով ուսումնասիրության ենթարկվեցին յուրացվող տարածքի վրա գտնվող շուրջ 20 դամբարաններ, որոնք պատկանում էին Հայաստանի նախնադարյան մշակույթի ամենատարբեր փուլերին (մ. թ. ա. III—I հազ.): Հետազոտությունների ընթացքում հայտնաբերվեցին նաև Հայաստանի ուշ հելլենիստական դարաշրջանի թաղումներ, որոնք էլ նյութ են դարձել ներկա հետազոտության:

№ 1 դամբարան.— Գտնվում էր Այգեշատի այդինների մոտ, գյուղի այժմյան ղերեզմանոցից 800—900 մ հյուսիս-արևմուտք, քարքարոտ բլուրներից մեկի հարավային լանջին: Գետնի մակերեսին այն ներկայանում էր որպես սովորական կրամիխ, որի շրջանաձև եզրագիծը սահմանագծվում էր միջին մեծությամբ, իրար մոտ շարված որձաքարերով (տրամագիծը՝ 7 մ):

Կրամիխի մակերեսին լցված էին մանր քարեր, որոնցով կազմված թմբի բարձրությունը

շրջանագծի կենտրոնական մասում 40—50 սմ էր (նկ. I, 1, 2): Կրամիխի կենտրոնում, քարակույտի տակ հայտնաբերվեցին դամբարանի երեսը ծածկող երեք սալ քարեր (1,2×0,5×0,2 չափերի): Որոնք գրված էին իրար շատ մոտ, արևելք-արևմուտք ուղղությամբ: Մածկի քարերի արանքները լցված էին մանր քարաբեկորներ, ըստ երևույթին եղել է նաև հող, որը հողմնահարության հետևանքով մաքրվել էր: Սալ քարերը ծածկում էին փոքրիկ դամբարանը, որի երեք պատերը կառուցված էին կողքի վրա դրված մեծ քարերից, իսկ մեկը՝ հյուսիսայինը, մանր քարերից: Ուղղանկյուն ձև ունեցող դամբարանը հյուսիս-հարավ առանցքով ուներ 1,4 մ երկարություն, 0,9 մ լայնություն և 0,8 մ խորություն: Հատակը շարված էր մանր քարերով, որոնք ամրացված էին կավաշաղախով (նկ. I, 3):

Դամբարանի ներսում՝ հարավ-արևելյան անկյունում հայտնաբերվեցին երկաթից պատրաստված եռաթև նետասլաքներ, գոտու քառանկյունաձև ճարմանդ, արծաթե հայելու բեկորներ, կարմիր քարով ոսկե օղ և սափորիկի բեկորներ: Ննջեցյալի գանգի շատ վատ պահպանված մնացորդներ հայտնաբերվեցին դամբարանի հյուսիսային հատվածում: Կմախքի մնացած բեկորները, որոնք նույնպես շատ վատ էին պահպանվել, հնարավորություն չընձեռեցին որոշելու ննջեցյալի թաղման սկզբնական դիրքը: Ելնելով դամբարանի չափերից և սակորների սփռվածությունից, կարելի է ասել, որ ննջեցյալը թաղվել է հավանաբար ոտքերը կծկած վիճակում:

№ 2 դամբարան.— Գտնվում է առաջինից 30 մ արևմուտք: Իր արտաքին նշաններով և դամբարանի կառուցման ձևով հար և նման է

²⁹ «Դիվան հայ վիմագրության», պրակ III, կազմեց Ս. Բարխուդարյան, էջ 183:

¹ Այգեշատ գյուղի մոտ գտնվող նախնադարյան հուշարձանների առաջին նկարագրությունը տվել են ճարտարապետ Թ. Թորամանյանը և Մ. Վ. Նիկողոսյան:

³⁰ Տե՛ս Գ. Հովսեփյան, Նշվ. աշխ., մասն Բ, էջ 182—183: